

Popis u BiH: Međ u "ostale" upisano 263;e biti oko 300.000 Bošnjaka?

16/10/2012 19:56 by Administrator

Probni popis stanovništva u Bosni i Hercegovini jučer je i zvanično počeo, a trajat će do 29. oktobra. Ekipa "Dnevnog avaza" jučer je zajedno s popisivačem Irfanom Nesimovićem te entitetskim instruktorom Mujesinom Salihagićem i općinskim instruktorom Elmom Dervićkadićem obišla popisni krug općine Stari Grad u Sarajevu.

Velika susretljivost

Iako je vrijeme bilo kišovito i teško za rad, popisivači nisu imali većih problema. Posebno su ih obradovali gostoprimstvo i susretljivost građana. Salihagić je u izjavi za "Avaz" naglasila da će zateknute prazne domove obišti u popodnevним satima, nakon što se građani vrate s posla.

- Za sada ide sve prema planu. Vjerovatno je naglasiti da će svi podaci biti tajni i bit će korišćeni u statističke svrhe. Moram istaći da popisivači nemaju pravo sugerirati ili navoditi osobe na odgovore - kazala je Salihagić.

Trenutno u ekipama rade po tri osobe, ali kada naredne godine na red dođe pravi popis, po jedan popisivač obilazit će domaćinstva. Popisnica koja tretira stanovništvo ima 45 pitanja, a popisnica koja tretira stanove i domaćinstva ima 36 pitanja.

Iako sve teče prema planu, mnogi su zabrinuti da bi, prema utvrđenim modalitetima, veliki broj Bošnjaka u BiH, zbog prvenstveno svoje neupućenosti, ali i tradicionalnih strahova od ličnog identifikiranja, mogao lako postati "ostali". Kao što smo već pisali, prilikom popisa svi odgovori koji se tiču nacionalne identifikacije Bošnjaka, ako ne budu precizirani samo kao "Bošnjak", u konačnoj statističkoj obradi svrstavat će se u kategoriju "ostali".

Upozoriti građane

Senadin Lavić, predsjednik Bošnjačke zajednice "Preporod" i profesor na Fakultetu političkih nauka u Sarajevu, upozorava da je neophodno popisivačima dati ovlasti da pojašne ljudima kod ovog pitanja razliku, jer se, u protivnom, boji da bi oko 300.000 Bošnjaka moglo završiti u kategoriji ostalih.

- Musliman je isto religijska norma i nema veze s etničkom odredbom Bošnjak. Istina je da ima Bošnjaka koji su muslimani, ali Bošnjak je narodno ili etničko ime za narod koji živi u Bosni i Hercegovini, Srbiji, SAD-u, Norveškoj ili bilo kojoj drugoj zemlji svijeta - naglasio je Lavić.

On je pojasnio da kada, naprimjer, neka stara nana kaže da je muslimanka, popisivač bi je trebao upozoriti, jer to nije narodni već religijski pojam i popisivači bi zbog toga trebali dobiti ovlasti od popisnih komisija da upozore ljude koji se izjašnjavaju religijski.

- Nikad se niko neće izjasniti kao katolik ili pravoslavac, svi će reći da su Hrvati, odnosno Srbi, samo će se Bošnjacima praviti smicalice. Nigdje u Ustavu ne postoji ime musliman. Bošnjaci su dužni izjasniti se kao Bošnjaci bez obzira na to vjeruju li u Boga ili ne - potcrtao je Lavić.

Izvor vijesti: Dnevni Avaz